

Band X., Nr. 4752, Seite 414

Graf Diepold von Aichelberg verkauft an Kloster Kirchheim Güter und Leute in Lindorf.

Ohne Ortsangabe, 1295. November 12.

Wir grave Diepolt von Aichelberg tûn kunt allen den, die disen brief ansehent und hoerent lesen, und vergehen, daz wir allez unser gût swaz wir gihabet han biz her ze Lintdorf daz bi Kirchain gilegen ist und an der selben stat, alle die lûte, die wir da hetten und alle die vogitaige und allû reht, swelû dar zû hoerent und swaz gehœret zi den selben gûten an holze und an velde und an allen stetten, haben gegeben zi ainem rehten kôfe fur aigen umbe aehte und zwainzig phûnt Haller, und vergehen, daz wir die selben enphangen han und daz wir dar umbe wer sûln sin nahe reht, alse site und gewonlich ist. Doch han wir an sogetan gedinge getan, swaz der selben lûte von dem gûte andirswar vert, so sulen si unsir sin, varent si wider uf dû gût gen Lintorf, so sult si sin der priorin und der samenunge dez closters zi Kirchain Predier ordins, den wir disû gût gegeben han zi kôfe, alse hie vor geschriben ist, und die uns der phenninge giwert hant alse hie vor ginemmit ist. Daz diz stete und ane zwivil belibe, so han wir der vor genanten priorin und der samenunge gegeben disen brief besigelten mit unserem ingesigil und mit graven Ûlrichs ingesigil unsirs brûdir. Wir grave Ûlrich durch graven Diepoldes unsirs brudir bette haben unsir ingesigil an disen brief gihenket, also doh, daz an unserem reht uns nit schade, obe vil lihte uns ihtschit dez selben an gehoert, daz wir doh noh nit wissen.

 Dierre brief wart gegeben, do man zalte von gottes gebûrte zwelf hûndir jar vûnf und nunzig jar, an dem nehsten tage nah sante Martins tage.

—

Dre Textabdruck folgt dem Original.

 An der Urkunde zwei Siegel 1) Das schildförmige Siegel des Grafen Diepold von Aichelberg: im Siegelfeld ein Helm mit Flug, Umschrift: + S . COMITIS . DIEPOLDI . DE . MERCHINBERC. 2) Das runde Siegel des Grafen Ulrich von Aichelberg, ca. 46 mm, im Siegelfeld ein Schild, worin ein Topfhelm mit Flug; Umschrift: + . S . V COMITIS . DE . M . . . NBE . . . , d. h. Merkenberg.

Überlieferung und Publikationen

Lagerort:

HStA Stuttgart

Signatur/Titel des Originals:

A 493 U 295

Weitere Angaben

Sprache:

Deutsch

Ausstellungsort:

Ohne Ortsangabe

Ortsindex:

Aichelberg Wohnplatz (567)
 Aichelberg, GP
 Kirchheim unter Teck Wohnplatz (373)
 Kirchheim unter Teck, ES
 Lindorf Wohnplatz (374)
 Lindorf, Kirchheim unter Teck, ES